

Gvangjsih Minzcuz Bau

广西民族报 aenhauh okbanj: CN45-0036 B.2021 Nd.6 Ng.30 liggaueuq sincouj nienz ndwenngux ngeih'it

Baihguenjbanh:

Gvangjsih Bouxcuengh Swcigih
Minzcuz Cunghgyau Swvu
Veijyenzei

Biengauj okbanj:

Gvangjsih Minzcuz Bause
Geizsoq: Gungh daih 3480 geiz
Geiz neix 8 banj



Guengjsae Banh Aen Hoih Caezgya Ciengq Go Saekhoengz Angqhoh Laeb Dangj 100 Hopbi "Gyo'mbaiq Aendangj Riengz Aendangj Byaij"

广西举行“感党恩 跟党走”庆祝建党100周年红色歌曲大家唱汇报会

6 nyied 25 hauh banhaemh ndaw Nanzningz Yinzminz Veidanz, geiz-dangj mbinyag, sing go haprwenz. Aen Hoih Caezgya Ciengq Go Saekhoengz Angqhoh Laeb Dangj 100 Hopbi "Gyo'mbaiq Aendangj Riengz Aendangj Byaij" Gihciz Gihgvanh Gunghveij cawjbanh haenx youq gizneix banh.

Hwnj ciengz ciengq ceiq gonq dwg hot go 《Mbouj Miz Gungcanjdangj Couh Mbouj Miz Cungguk Moq》, sing

go goksasa danqhaenh aendangj hungmbwk, guekcoj hungmbwk raeuz. Riengzlaeng, hot go 《Gou Gyaenz Mwnz Cungguk》, yaem'wenq ndei-dingq yienh'ok gij hohfuk naekcingz caeuq gij ndiepgyaez guekcoj, comz gij rengz hung vih saedyienh Cunghvaz Minzcuz fukhwng hungmbwk. Ciep roengzdaeuj hot go 《Byaij Coh Fukhwng》, cungfaen yienh'ok gij cing-saenz gyoengq dangjyenz ganbu haidin vaiq, haidaeuz couh ceng gonq, gamj

rapdawz, guh ndaej ndei, doidoengh ginghci sevei hwngfat ndaej ndei youh vaiq, saedyienh "cibsei q haj" hai gwziz moq, raiz biencieng moq, riengz aen Guengjsae gyaunde sevei cuji miz daegsaek Cungguk seizdaih moq aen moegbiu neix buekguh baenaj.

Daengx ciengz ciengq go ndei-dingq dangqmaz, hawj vunz gamj-doengh. Hot dem hot go vunzvunz cungj rox, bouboux cungj nyi gvaq

haenx, hawj gyoengq dangjyenz ganbu youq ciengz roxnyinh daengz bak bi ronghlwenq caeuq cingzicik hungmbwk aendangj, hawj gyoengqde lai gyaenz aendangj; hot dem hot go maenhndei cauhoq, caezgya roxnyinh daengz ndaej miz Swcigih Dangjveij lingidauj, daengx gih diegdieg bienqvaq hungloet, engqgya giendingh hamj ok yamqdin akrengz seizdaih moq rox gyo'mbaiq aendangj buekguh baenaj.

(Lanz Fungh Liu Ciyungz)



Yungzsuij:Lajmbanj Yienjheiq Angqhoh Ngoenzseng Aendangj

融水:农村文艺汇演庆祝党生日

6 nyied 24 hauh banhaemh, Yungzsuij Myauzcuz Swciyen Swyungz Yangh yienjheiq "angqhoh Cunghgoz Gungcanjdangj laebbaenz 100 hopbi caeuq hagsib lizsij aendangj". 22 aen doih yienjheiq lajmbanj hopheux laeb dangj 100 hopbi ciengqgo diuqfoux, gangjok gij cingz gyo'mbaiq aendangj, yienhciegz nauhyied dangqmaz.

(Liu Swjyen)

Lungzswng:Ciengq Go Haenh Aencingz Aendangj

龙胜:歌咏活动“颂党恩”

6 nyied 25 hauh, Lungzswng Gak Cuz Swciyen Majdiz Yangh haiguh aen hozdung ciengqgo cawjdae "cienzciengq ginghdenj saekhoengz fatyienz cing-saenz saekhoengz gangj gij cingz gyaenz aendangj". Ginzung daibyauij 8 aen mbanj, Majdiz Yangh ganbu cizgungh caeuq Swcigih Nanzhihsanh Yihyen daengj danhvei doxcomz youq giz ndeu, ciengq go diuq foux, gonqlaeng ciengq 《Mbouj Miz Gungcanjdangj Couh Mbouj Miz Cungguk Moq》 《Aendangj Ha, Daxmeh Ndiepgyaez》 《Guekcoj Gou》 《Baihdoeng Nding》 daengj hot go, hot dem hot go saekhoengz gikcoi vunz haenqrengz buekguh, yungh neix hohfuk aendangj caeuq guekgya, yungh neix angqhoh Cunghgoz Gungcanjdangj laebbaenz 100 hopbi.

(Banh Cisiengz Lanz Lizgveiz)

